



Inatsisartuni ilaasortaq, Emanuel Nûko, Partii Naleraq
Maani

**§ 37 malillugu Kangianut qipoqqartassinneqarnissaq pillugu Naalakkersuisunut
apeqquteqaammut nr. 209-mut akissuteqaat**

Dato: 30-08-2018
Sags nr.: 2018 - 17110
Akt. nr.: 8583912

Inatsisartut suleriaasiat § 37, imm. 1, malillugu Kangianut qipoqqartassiissuteqarnissaq pillugu Naalakkersuisunut apeqquteqarsimavutit. Apeqquteqaat uanga suliassaqarfinnut akisassangorlugu innersuussutigineqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

**1) Maani Tasiilami eqqaanilu nunaqarfinni qipoqqaat pisarineqarsinnaanissaanut
qaqgu ammaassisqassava?**

1-mut) Naalakkersuisut Inuit Inoqqaavisa arfanniartarnerat pillugu immikkoortumut tas-sunga ilisimatuussutsikkut pisassiissuteqarnissamut inassuteqaateqartoqannginneri taamatullu Nunat Tamalaat akornanni Arfanniarnaq pillugu Ataatsimiititaliamiit (IWC) ar-feqatigiinni taakkunani pisassiissuteqartoqannginnera ilaatigullu aamma Kalaallit Nunaata Kangiani qamutilinnik tuukkatalinnik arfanniuteqartoqannginnera peqquaalluni, qipoqqarniarnissamut ammaassinissamik eqqarsaateqanngillat. Arferit angisuut soqqallit, soorlu qipoqqaat, toqunnissaannut qamutillit tuukkartallit aamma qaartartut tuukkartallit-99 atornissaat nalunaarummi atuuttumi piumasarineqarpoq, Arfernik angisuunik illersui-neq piniarnerlu pillugit Namminersorlutik Oqartussat nalunaarutaat nr. 12, 22. december 2014-meersumi § 21 takuuk.

Qipoqqaat Kangiata imartaani qanoq amerlatigippat?

2-mut) Kisitsinerit Pinngortitaleriffimmit ingerlanneqartut 2015-imeersut malillugit Kalaallit Nunaata Kangiani qipoqqaat 4,220-iunissaat (ilimanaateqassuseq: 0,44) missiliukanner-neqarpoq. Qaammataasiakkut malinnaaffiginninnerup nutaanerusup takutippaa Kalaallit Nunaata Kitaata aamma Kangiata akornanni kiisalu Kalaallit Nunaata Kitaata aamma Canada Kangiata akornanni arfernik ingerlaartoqartartoq.

3) Piniarneqalersinnaanerat periarfissaava?

3-mut) Apeqqut 1)-mut akissuteqaat inussiarnersumik innersuussutigineqarpoq.

4) Pisassanik tunisisoqarsinnaava ulluni qaninnerni?

4-mut) 1)-mut aamma 3)-mut akissuteqaatit inussiarnersumik innersuussutigineqarput.

Aammattaaq ilisimatitsissutigisinnavaara IWC-mi arfattassiissutit pillugit isumaqtiginni-arnerit ukioq manna septembarimi ingerlanneqassammata, tassanilu Kalaallit Nunaata Kangianut tikaagullitassiissutit ukiumut 12-niit 20-nngortinnissaat sulissutigineqarpoq.

Inussiarnersumik inuullaqqusillunga

Erik Jensen

Aalisarnermut, Piniarnermut Nunalerinermullu Naalakkersuisoq